

CICIKOANBADIEGU

BULICINA FASO
Taanyenma - Findima - Teginma

GUVENEMA MASOAGINDO

BAALO KOANBALA TAANLI
JAGA DOAGIDIMA

(PP-G/TRANS N°034-2024)

Rimaliba Jan Emanuweli WEDARAWOGO

Wagadugu, li binli 2024 cipiiga dana 23

Baalo Koanbala Taanli den kali Wagadugu
nani ban maani ki tiedi maama dana lele kuli,
alaaliba daali, li binli 2024, cipiiga o dana 23,
ki cili leeri 9 yogunu ki ban gbeni leeri 14 leni miniti 46.
Kapitenni Ibarayimi TARAWORE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

I. A JAGA

I.1. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA

A Koanbala Taanli tuo **tiwaankaana lie (02)**.

Li tiwaankakpiali tie **ban bogini masienkaama tili** yaali ki baa tiginini bi niba n fii mi diema yema namu po ki go teni yuakuli n yaa pia li fangili leni yaala n tiendi.

Laa jagili pegidi yaa jagili n den taa li binli 2023, cinaa, o 19 daali ke li lanba tie 2023-0475/PRESTRANS/PM/MDAC/MATDS/MJDHRI, bi niba tiginma mi diema yema namu po leni bi niba fangili yaala n tiedi po.

Ki tiginini bi niba mi diema yema namu po ki go teni nilo kuli n fangi o yuli leni yaala n tiendi po tie ki teni yaa tuona n baa soani kuli tin ye yaa yepaama siiga leni a nibiada n noadi sanbiteginkaali leni balimaama fuuli.

Laa jagili taama baa teni ban tiadi yaali n bua tonma kuli po ki go tie pagili, ki fidi ki tiginini yaa bonla kuli n baa cuani mi yanduanma mi diema nni, ki baa ki guudi bi niba leni bi bonpiakaali kuli leni a nibiada tuadigunda.

Li tiwaankalieli tuugi leni **ban bogini yaa balimaama** ki gagidi ti diema minteela yema n baa yaa tie maama li minteeli tuonli fuuli nni.

Laa balimaboginkaama tie ki pegidi yaa balimaama n den taa li binli 2016, piiga n ciyendo, o 24 daali, ke li lanba tie 038-2016/AN mi diema minteela yegadikaama po. Laa balimaboginkaama sugini ki pegidi ki niani yaali n tie poadi kuli laa balimaama nni nani a minteela tundi sanbila leni mi yebiadima koanli n bua yaala kuli moala na po.

Li boncanla laa balimaboginkaama nni n tie na:

- ki teni yaa balimaama n doagidi a minteela yema n gagidi maama leni yaa balimaama n den taa li binli 2016, piiga n ciyendo, o 24 daali ke li lanba tie

037-2016/AN ki waani mi diema minteela yaaba n baa ki ye li tuonli nni baabi n baa yaa suagi maama, n taani ki tua balimayenma.

- ki guani ki teni a minteelibila baabi n tugini leni midiema Sandalimanba caga baabi fuuli nani lan tie maama a minteelicaga kuli po;
- ki teni baa yaa minteeli n kpe bu toabu fuuli nni baabi n yaa do;
- ki luodi u sanu ban dini a minteelitiama yaaba n tie koloneli ki daa tua koloneli-masori li bali ban tua yugbengiciama ban yi yaaba seneronba;
- ki teni a minteeligbenga n fidi ki baa yaa baabi n yegi leni bi tuonli n da maama, ki go dini bi siiga nni yaaba n tie adisidan-sefinba yaaba n pundi bina ta (03) bi tuonli nni ban tua liiga yaaba ;
- ki tiadi yaa minteela n bia (bodi) bu toabu fuuli nni ke hali leni moala bi naa bani ban ye naani;
- ki teni ban buogi yaa minteeli tuonliba po n baa laa tuonli jaandi panpani.

A Koanbala Taanli tuo ke laa balimaboginkaama n pundi Depiteeninba kaanu kani.

I.2. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **jagiyenli** yaali n tie yaa koanbadiegu n diidi ti diema loagu leni i ligi boginma po.

Hali yaa jagili n den taa li binli 2024, cinii dayenli ke li lanba tie 2024-0908/PRES/PM, ki waani Guvenema lebidima, yaa niba n ye Guvenema cagili nni moko tuona den lebidi nani li jagili yaali n den taa li binli 2024, ciyia dana 02 daali ke li lanba tie 2024-1022/PRES/PM n bili maama yaa niba n ye Guvenema nni tuona po. Laa jagilieda taama teni ke ti diema loagu, ti diema ligi leni ti diema bonlingikaala lebidi ki ji tie «**yaa koanbadiegu n diidi ti diema loagu leni i ligi**». Ki teni laa jagilieda n bili yaala n tieni, li tie tilade ti diema loagu leni i ligi koanbadiegu n baa ku tuona boginma nannanli.

Laa jagili taama baa teni u loagu leni i ligi koanbadiegu n baa yaa tuona n baa soani boginma nannanli nani yaa jagili n den taa li binli 2024, cipiiga, o 04 daali ke li lanba tie 2024-1170/PRES/PM ti koanbadiedi boginma po n bili maama.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A Koanbala Taanli taa **jaga lie (02)**.

Li cicijagili maadi Bulicina Faso n tuuni yaa tonda dietoama nni ti diema leni dietoama siiga tuginma tuona po boginma.

Laa jagili pegidi yaa jagili n den taa li binli 2021, cipiiga, o 25 daali ke li lanba tie 2021-1091/PRES/PM/MAECIABE/MINEFID/MFPTPS ki waani Bulicina Faso n tuuni yaa tonda dietoama nni ti diema leni dietoama siiga tuginma tuona n baa bogini maama. Laa pegidima bua ki teni yaali n poadi laa jagili n nni n lebidi.

Yaali n pugini laa jagili nni n tie na:

- ki daa go ηoadi nani diema leni diema tuginma po tonda tuona n bi cili ki bogindi maama;
- ki ηoadi nani yaa lanbona n den taa Vieni diema po yaala n tie diema leni diema tuginma tuona sanbila nni;
- ki teni diema leni diema tuginma po tonda tuona leni i ligi ñama n wadi lan teni ban soani yaa tonda dietoama po n fidi ki yaa tuuni ban puogiba yaa tuona leni li nunga.

Laa jagili taama baa teni ban bogini ηama diema leni diema tuginma po tonda tuona ki go wadi Bulicina Faso tonda dietoama po tuonsoandiedi ligiñake.

Li jagilieli tuugi leni yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama boginma.

Hali yaa jagili n den taa li binli 2024, cinii dayenli (01) daali ke li lanba tie 2024-0908/PRES/PM, ki waani Guvenema lebidima, yaa niba n ye Guvenema cagili nni moko tuona den lebidi nani li jagili yaali n den taa li binli 2024, ciyia dana 02 daali ke li lanba tie 2024-1022/PRES/PM n bili maama yaa niba n ye Guvenema nni tuona po. ». Ki teni laa jagilieda n bili yaala n tieni, li tie tilade yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama n baa ku tuona boginma nannanli.

Laa jagili taama baa teni yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama n baa ku tuona boginma nannanli nani yaa jagili n den taa li binli 2024, cipiiga, o 04 daali ke li lanba tie 2024-1170/PRES/PM ti koanbadiedi boginma po n bili maama.

I.4. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

A Kaonbala Taanli taa **tiwaankaana lie (02)**.

Li tiwaankakpiali tuugi leni li fali kpaabu tuona boginma dianma mi diema tuongagidikaana tili nni.

Bu kpaabu leni li yanwubili leni li janwubili tuona po teni ke mi fanma boncianla ŋanbi bu kpaabu leni li janwubili po. Ki teni laa moandili n yaa pugidi bu kpaabu, li yanwubili leni li janwubili po, ki go teni lan luodi a tuona buliñoana bi nipanba po, bu kpaabu koanbadiegu sugini ki gbiidi yaa jaana n pia mi ñima boncianla, ki baa bu kpaabu, li yanwubili leni li janwubili tuonsoantiadi li fali tuona po.

A Koanbala Taanli tuo ke yaa tuona n tie na n soani dunli fali po mi diema tuongagidikaana yeli po:

- ki baa i muuli taanma leni i suadima masina a muulikpaala po;
- ki baa yaa masina n baa yaa suadi ki go lendi ku kpaangu a kpakpaala po;
- ki baa yaa masina n ce i muuli leni alikama;
- ki baa yaa masina n baa fidi ki suadi ku kpaangu ki go soani tuontoana ;
- ki baa yaa diebila n kuugi ponbi de teeri bonbila kubima po;
- ki baa yaa masina n baa yaa ko;
- ki baa arosuadinba leni yaa tuonsoantiadi n baa yaa puudi u ñoagu leni yaadi n baa yaa dadi ki kuandi mi ñima i kuani nni a kpakpaalibila po;
- ki yaa tugi ki tendi yaa tiadi n bua kuli ;
- ki baa a bonfuodibiada ñoagu;
- ki ko alikama bonbuoli yaa fanma n pundi baabiciami 5000;
- ki gbiidi yaa caana n pia mi ñima boncianla ki go ñanbi mu tinkokaamu.

Yaa tiadi n baa da leni yaa tuona n baa soani kuli ligi taani ki pundi **miliyaadi bonbilie leni miliyonba kobinaa n piiyia n bonbitaa (2 493 000 000) seefa ligi nni.**

Li tiwaankalieli tuugi leni **masienkaama tili ke bi bogini** bu kpaabu, li yanwubili leni mi ñima nni bonpiakaala koanbadiegu tuonsoanjaana boginma po.

Hali yaa jagili n den taa li binli 2024, cinii dayenli (01) daali ke li lanba tie 2024-0908/PRES/PM, ki waani Guvenema lebidima, yaa niba n ye Guvenema cagili nni moko tuona den lebidi nani li jagili yaali n den taa li binli 2024, ciyia dana 02 daali ke li lanba tie 2024-1022/PRES/PM n bili maama yaa niba n ye Guvenema nni tuona po.» Ki teni laa jagilieda n bili yaala n tieni, li tie tilade bu kpaabu, li

yanwubili leni mi ñima nni bonpiakaala koanbadiegu n baa ku tuona boginma nannanli.

Laa jagili taama baa teni bu kpaabu, li yanwubili leni mi ñima nni bonpiakaala koanbadiegu n baa ku tuona boginma nannanli nani yaa jagili n den taa li binli 2024, cipiiga, o 04 daali ke li lanba tie 2024-1170/PRES/PM ti koanbadiedi boginma po n bili maama.

I.5. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

A Koanbala Taanli tuo **tiwaankaana muu (05)**.

Li tiwaankakpiali tie ban bogini masienkaama tili yaali ke li dini niyendo li bali ki kuani o ti diema cagili yaali n tuuni bi nisaaliba n pia yaa sani po. Laa masienkaama tili taama teni ke bi dini Kalifa Yenboado Rodirigi **NAMOANO**, ke o tie ti diema cagili yaali n tuuni bi nisaaliba n pia yaa sani po yaa tondo, yaa tuonsoancaga n kaa tie baalo ya ki tuuni bi nisaaliba n pia yaa sani po yeli nni, u yogunjuoduko nni bina naa (04) po.

Li tiwaankalieli tie ban bogini masienkaama tili yaali ke li dini li bali ki go pandi yaa niba n ye ti diema cagili yaali n tuugi leni yaa cagili n tuuni a kpenkpenda n pia yaa sani po Afiriki nni bali.

Laa masienkaama tila taama teni ke bi dini **niba piiga (10)** li bali ki kuani ba ti diema cagili nni yaali n tuuni a kpenkpenda n pia yaa sani po Afiriki nni u yogunkpialu nni bina taa po, ki goa ki pandi **niba muu (05)** mo yaa bali ke ban suagi ki yaa ye laa cagili nni u yogunjuodiko nni bina taa po.

Li tiwaankataali tie ban bogini masienkaama tili yaali n waani a bujjala bujjatiadi n baa yaa tie maama.

Laa masienkaama tila n lingi yaala tie ki kuani ti gulinkpaliti a bujjala bujjatiadi ñalima nni.

Ti gulinkpaliti kuanma a bujjala bujjatiadi ñalima nni baa yaa tiedi waamu waamu yo hali ki ban gbeni a bujjala buoli kuli tiadi leni bi todima.

Laa masienkaama tili taama baa teni a bujjala bujjatiadi n tua gulinkpaliti ke lan doagidi ti diema maasuagu nani mi masienkaama lanba 2023-0647/PRES-TRANS/PM/MEFP/MDICAPME ban den ñani yaama li binli 2023 ciluoba dana 2 daali n bili maama ki baa yadi ti gulinkpaliti, kokodunda kpaliti leni yaa gulinkpaliti n pugidi.

Li tiwaankanaali tie ban bogini masienkaama tili yaali n waani li bujjali tidianla tialakaadi li bujjali yogunu n baa yaa tie maama leni ti lama n baa ñoadi yaa sanbila.

Laa masienkaama tili baa teni ban yen taa ti gulinkpaliti ki ñali li bujjali tidianla tialakaadi ti buudi yogunu.

Moko, laa masienkaama tili waani li bujjali tidianla n baa ñoadi yaa sanbila ki laa laa tiadi, ki go waani ti tiadi yeni n baa yaa tie maama.

Laa masienkaama tili taama baa teni li bujjali tidianla n baa li bujjali tialakaadi ke bi ñali ti leni ti gulinkpaliti ke lan doagidi ti diema maasuagu nani mi masienkaama lanba 2023-0647/PRES-TRANS/PM/MEFP/MDICAPME ban den ñani yaama li binli 2023 ciluoba dana 2 daali n bili maama ki baa yadi ti gulinkpaliti, kokodunda kpaliti leni yaa gulinkpaliti n pugidi.

Li tiwaankamuuli tie ban bogidi li tiwaankataali yaali ke bi dangi yogunu yogunu ki wangi o nissalo gbanandi faligima leni yaa mabinbuoli kuli n bia ki go gundi o nisaalo po bali maama tienma n ηoadi maama.

Bulicina Faso den ñii a tila ki tuo yaa bali maama n koani leni o nissalo gbanandi faligima leni yaa mabinbuoli kuli n bia ki go gundi o nisaalo po li binli 1999 ciyendo dana 4 leni yaa mabilikaama n pugidi li binli 2010 cilie dana 11. Ki ηoadi laa bali maama ñoamabonli 19 n yedi yaala, yaa diema n ñii laa bali maama kuli yen baa doagidi yaa cagili n koani leni o nisalo gbanandi faligima nintuali li bali maama ηoadima cicitywaankaali leni yogunu yogunu tiwaankaana bina naa puoli kuli ki waani yaa jaga n taa li bali maama yeni ηoadima po.

Laa tiwaankaali tie li binli 2019 ki gedi 2023 yogunu yaali; li waani yaa jaga n taa li bali maama yeni ηoadima nni leni li binli 2019 tiwaankalieli jaga ηoadima n poa ki se naani.

A koanbala taanli puni u sanu yaa koanbali n die laa maama n taa a jaga ki soagini li tiwaankataali yaali ke bi dangi yogunu yogunu ki wangi o nissalo gbanandi faligima leni yaa mabinbuoli kuli n bia ki go gundi o nisaalo po bali maama tienma n ηoadi maama.

I.6. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

A koanbala taanli taa **jaga lie (02)**.

Li jagikpiali cilini tataankpendidiegu ke ku yeli tie mi daama tagima tataandiecangu lan tie “BARAFASO PAANO”.

Baalo tanpuuna goalebidima nni leni wan jigini yaa tuonjaana gobidima nni, gufenema puogi yaa koanbadiegu n diidi mi tagima tuonsoandiedi ke kun taa yaa jaga n dagidi ki goa ki fiini BARAFASO bonkpelo tuona.

BARAFASO PAANO tie yaa tuonsoandiegu nni ke baalo leni bonceli danba kuani bi liginatuga ke i ligi kuli fii **miliyaadi bonbiluoba (6 000 000 000) seefa ligi nni**. Baalo biinu fii **miliyaadi bonbinaa leni miliyon bonbikobilie (4 200 000 000) seefa ligi nni**, lan tie li ligiyuli kuli po 70%. Bonceli danba mo natugili lienni tie **miliyaadi yendo leni miliyon kobinii (1 800 000 000) seefa ligi nni**, lan bua ki yedi ke li natugili nni kuli bi pia 30% .

BARAFASO PAANO mayuli tianla tie :

- ki tagi ki go kuadi li bontagikaala, ki tagi ki go kuadi bieri, maliti bonñukaala, li dabinli bonñukaala, duven, u malitu bonñukaala, i tiidi bonluonkaala bonñukaala, ti tiadi bilima mi kuugima nni, a ñintana tagima;
- yaa bonbidi n baa todi o bontagikaala tuonsoandiedi bondaagu, li kuadima leni li tagima ;
- li bonñukaala buoli, mi daama buoli leni ti tiadi buoli buoli tagima, li daama leni li boagidima (kuadima) ti diema nni bi niinpo.

Ban cilini BARAFASO PAANO yua yaa niinni ke yuakuli baa fidi ki kuani li natugili n baa cuani yaala tie:

- baalo nunfansanbila gbanmanu baa pugini mi tagima tuonsoandiedi goafiima nni;
- bi nipanba tuonluoma baa wadi;
- ban taandi yaala ki tagi li bonñukaala ñanbima ti diema nni ;
- i dolami bonñukaala daakuanma ti diema nni wadima.

Laa masienkaama tili taama cilini “BARAFASO PAANO” tataankpendidiegu ke ku tie yu yaa niinni ke baalo biinu yabi ki cie.

Li jagilieli bogini yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuosoanjaana.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni, li yaa puoli bi den suagi ki doagidi Gufenema koanbala puoga n tie ya leni li ñoamabonli lanba 2024-1022/PRES/PM yaali n ñani li binli 2024 ciyia dana 2. Laa ñoamabonlieda ñama cilini “**yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuonsoanjaana**” ke laa yeli lebidi ki gaa “ yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma.” Kaanu. Ki kuani laa ñoamabona yedima, li tie tilade laa koanbadieangu n baa yaa tili n goa ki bogini ku tuonsoanjaana.

Laa masienkaama tili baa teni yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuonsoanjaana n baa yaa tili n goa ki bogini ku tuonsoanjaana ke lan todi laa koanbadiegu n fidi ki soani ku tuona nani mi masienkaama tili lanba 2024-1170/PRES/PM, yaali n ñani li binli 2024 cipiiga dana 4 ki waani koanbadiegu kuli n baa bogini ku tuonsoanjaana maama.

I.7. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

A koanbala taanli taa **masienkaama tili** yaali n goa ki bogini yaa koanbadiegu n diidi mi gaanilindima, mi ñima leni i yianbonfuodi bolinma tuonsoanjaana.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni, li yaa puoli bi den suagi ki doagidi Gufenema koanbala puoga n tie ya leni li ñoamabonli lanba 2024-1022/PRES/PM yaali n ñani li binli 2024 ciyia dana 2. Ki kuani laa masienkaama tilieda yedima, li tie tilade laa koanbadiegu n baa yaa tili n goa ki bogini ku tuonsoanjaana.

Laa masienkaama tili baa teni yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuonsoanjaana n baa yaa tili n goa ki bogini ku tuonsoanjaana ke lan todi laa koanbadiegu n fidi ki soani ku tuona nani mi

masienkaama tili lanba 2024-1170/PRES/PM, yaali n ñani li binli 2024 cipiiga
dana 4 ki waani koanbadiegu kuli n baa bogini ku tuonsoanjaana maama.

II. I LAABAALITENKE

II.1. Yaa koanbali n die ti diema tinbuona gobidima leni a sancena tuona puni a koanbala taanli i laabaali yi tuugi leni yaaba n kpe kelima ti diema po binpiiga daali tiadima.

Gufenema cilini “yaaba n kpe ti diema po daali tiadima” ki baa tiadi yaala den tieni li binli 2014 cipiiga dana 30 leni 31 ke yeni tin yaa tiani yaa puoba leni yaa jaba n puni bi miana po ke tin yendi ti yula ke yaaba n gobidi u dogu mo ŋua bi niba n bua maama.

Laa daali tiadima mayuli tie ki pagi yaaba n den kpiagi ti diema ki tuo ki kpe mi po ; li daali yeni tiadima go tie ki pagi ti diema niba leni bi muali ki nan go tigrini ba ke ban puoni laa papaali leni laa bulicindi yaa niba n baa yuandi ki fii Bulicina Faso nni.

Nani ti diema n ki pia mi yanduama maama, “yaaba n kpe ti diema po daali tiadima” binpiiga badu kan tua badiciamu ti diema tinfanma nni kuli.

Laa daali mi diema Yudanciamo den baa gedi ki bili mi puuma bonbabili mi diema jakoanda bunbunli kani, li yaa puoli alaamuda daali li binli 2024, cipiiga dana 31, kudi (leeri) 10 yogunu, ti diema tinfanma nni kuli, bi niba n fii ki sedi ki ŋmini miniti bonyendo ki tiadi yaaba n kpe ti diema po.

II.2. Yaa koanbali n diidi ti diema loagu leni i ligi waani a koanbala taanli u Baadogu Buama Ligipaabu n fii maama li binli 2024 nni ki taa ki tuoni ciyia ŋmaalo.

I paadi buoli kuli yi n kua fii **miliyaadi bonbikobiga n piitaa leni miliyon kobiga n bonbiluoba n piitaa n tudayia n kuumu piimuu leni falini bonbitaa (130 106 039 050,3) seefa ligi.** Nani i paadi n koa ke li ŋani maama po, bi daama ke yaala baa kua baalo ligikpagu nni bidise pegidima puoli dunla binli 2024 baa pundi **miliyaadi bonbikobiga n piimuu (150 000 000 000) seefa ligi.**

Yaa yogunu n tie ciluona 26 ki gedi ciyia 22 li binli 2024 nni, yaa ligi n kua fii miliyaadi piinaa n bonbitaa leni miliyon kobiyia n bonbilie n kobiga n tuda piimuu n kobitaa n piimuu n kuumu muu leni falini yendo (**43 902 150 355,1**). Laa ligi tie 34% ti ya boagini leni yaa ligi n kua ki cili li binli 2024 ciyendo dayenli ki taa ki pundi Moala.

Mi ligikuama ñanbi ki yabidi i ñmataadi lan tie cilele ki gedi ciyia yogunu yo; laa ligi ñani ban ja bi tuonsoanba ñmapani yi ki pugini wulu kuadima n tendi yaa ligi mi findima po. Laa sanbilieda ligitaama i ñmataadi yeni nni **27 033 074 865,3 seefa ligi** lan tie yaa ligi n kua laa yogunu 62%.

Yaala n tie i ligiñake kani, ki taa ki pundi ciyia dana 22. Bi den bili ke yaa ligi n baa ña baa pundi **139 465 103 844,1 seefa ligi**. Yaa ligi n ñani fii **124 990 087 628,1 seefa ligi**, lan tie 89,62% li ya tie ke bi boagini leni i gigiñake kuli. Ban jagi ki sugini ki ñani yaa ligi tie i tundi Cagili n puni u sanu bi taanmuudi-juodi-kaana yogunu ke ban ñani yaa ligi kuli taanma.

I ligiñake boagidi ki kua a tuona nni ke li ligi fii 66 665 000 000 seefa ligi; ine mo kua ti tiadi leni mi kpama daama nni ke li fii 58 325 087 628,1 seefa ligi.

Li binli 2024 Ciyia dana 22 ban baa ki tieni yaala tie a jakoanda bangima, laa ligipaabu laabaali-tenma leni Vedepenba panpaani leni bi bangima.

II.3. Yaa koanbali n diidi mi tagima tuonsoandiedi, u kpendu leni u nuu tuonsoanbanma tuona waani a koanbala taanli ke bulicina den gandi nicagili ke ligedi ki ban goandi mi tagima tuonsoandiedi Sinni diema nni, Tiriki diema nni leni Itali diema nni li binli 2024 ciyia dana 15 ki gedi 27.

Li nicagili yeni den soani leni ti todikaaba Sinni nni, Tiriki nni leni Ital inn.

Li boeli leni i kaani goandima todi ke ti tonda bandi Sinni banma n doni ki pundi naani a masina tagima nni, ki laa Tiriki leni Itali moko yaa banma a masinigalikaana tagima nni.

Sinni, Tiriki leni Itali tagima tuonsoandiedi tuo ki baa ciani Bulicina Faso o findima nni lan tie wan gandi yaa sanbila kuli nni.

Ti diema leni laa dogi tuginma baa sinankeene leni maadidagidima tili yaali yaa niinni ke dogu kuli tieni o ñiima ki waani ke u tuo ki baa suagi u danligu mi tagima tuona nni leni u yu.

III. BAN DINI YAABA A BALA

III.1. BAN DINI YAABA A BALA NIYENDO TUONA PO

A. BULICINA FASO YUDANCIAMO BADIDIEGU KANI

Yaa tuonsoanjaali n moa ki koani ki paadi sida yianu leni ti jadi leni ti puodi yianpuodike kani:

- Sebiru **Nakuro**, o lanba li tuonli nni tie **92349 L**, li laafiali tuonsoanlo, dini li bali ki tua li laa tuonsoanjaali tuona liiga yua Kudugu diema resiyon nni.
- Musa **KABORE** , o lanba li tuonli nni tie **55822 N**, u taayienu tuona gobidima liiga yua, dini li bali ki tua liiga yua yaa tuonsoancagili n diidi u taayienu ligi todima tila, a yiana leni Sida kpienbila po.

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

- Edigari Sie **SU**, o lanba li tuonli nni tie **28405 X**, baalo saliwuudi komiciamo, dini li bali ki tua ku koanbadiegu tidianciammo.
- Kisiwendisida Alisi **WEDIDAWOGO**, o lanba li tuonli nni tie **88666 A**, u loagu tuonsoanlo , dini li bali ki tua ku koanbadiegu tidianciammo duogili.
- Barike **IMA** , o lanba li tuonli nni tie **28151 H**, baalo saliwuudi komiciamo, dini li bali ki tua a tuona diidima liiga yua.
- Alahidi **JALO**, o lanba li tuonli nni tie **29315 Y**, baalo saliwuudi komiciamo, dini li bali ki tua li koanbali tundikoa;
- Idilisa **SAWADOGO** , o lanba li tuonli nni tie **28072 C**, baalo saliwuudi komiciamo, dini li bali ki tua li koanbali tundikoa;
- Hikoti **ÑUMU**, o lanba li tuonli nni tie **130465 B**, Masistida, dini li bali ki tua li koanbali tundikoa;
- Gomitekiba Tusen **DIPAMA** , o lanba li tuonli nni tie **216137 T**, baalo ligi tuonsoandiedi gobidikoa, dini li bali ki tua li coali tuona gobidikoa;
- Isa **DEME**, o lanba li tuonli nni tie **116978 V**, baalo saliwuudi komiciamo, dini li bali ki tua li koanbali todikoa;

- Sayidu **SANKARA**, o lanba li tuonli nni tie **59713 C**, dini li bali ki tua li koanbali todikoa;
- Vikitodiyen Nadisisi **WANGIDAWA** , o lanba li tuonli nni tie **281135 D**, baalo saliwuudi komiciamo, dini li bali ki tua li koanbali todikoa;
- Sibidi Isa **WEDIDAWOGO**, o lanba li tuonli nni tie **23593 L**, baalo saliwuudi komiciamo, dini li bali ki tua li koanbali todikoa;
- Ningidibisanga Antuani **WEDIDAWOGO**, o lanba li tuonli nni tie **28137 M**, baalo saliwuudi komiciamo, dini li bali ki tua li koanbali todikoa;
- Anbudiwasi **SOME**, o lanba li tuonli nni tie **28127 B**, baalo saliwuudi komiciamo, dini li bali ki tua li koanbali todikoa;
- Panongibineyan Piel Emanieli **WEDIDAWOGO**, o lanba li tuonli nni tie **41017 H**, a cogibiwaala canbaa, dini li bali ki tua li koanbali todikoa;
- SAWADOGO pua Aliseta **DABIDE**, o lanba li tuonli nni tie **59707 Y**, baalo saliwuudi komiciamo, dini li tuonli ki tua li koanbali todikoa;
- Kisito Valanten **WEDIDAWOGO**, o lanba li tuonli nni tie **28400 X**, baalo saliwuudi komiciamo, dini li bali ki tua li koanbali todikoa;
- Asie Abu Didamaani **WATADA**, o lanba li tuonli nni tie **212094 Z**, baalo saliwuudi komiciamo, dini li bali ki tua li koanbali todikoa;
- Lisien **KINDA**, o lanba li tuonli nni tie **105274 N**, baalo saliwuudi komiciamo, dini li bali ki tua li koanbali todikoa;
- **KAWANE** pua Lawaleya Karini Alifonsi **KABODE**, o lanba li tuonli nni tie **97282 F**, baalo saliwuudi komiciamo, dini li bali ki tua li koanbali todikoa;
- Mahamadu **BA**, o lanba li tuonli nni tie **37106 X**, tundikoa i labaali tenma tuona nni, dini li bali ki tua i laabaali tuona liiga yua leni yaa tuona n tuugi leni i laabaali tuona kuli;
- Namusa Yenoapo Fidansua **BANGU**, o lanba li tuonli nni tie **260184 D**, baalo saliwuudi komiciamo, dini li bali ki tua mi bancanma tuona leni mi findima liiga yua ;

- San Ibidahimi **WATARA** ,o lanba li tuonli nni tie **112293 N**, baalo saliwuudi komiciamo, dini li bali ki tua i ligi kubili tuona liiga yua ;
- SERIME pua Berinadeti **ADENIO**, o lanba li tuonli nni tie **220665 W**, baalo saliwuudi komiciamo, dini li bali ki tua Santidi Nori desiyon tidianciamo ;
- Inosan **WATADA** , ke o lanba li tuonli nni tie **200333 L**, baalo saliwuudi komiciamo, dini li bali ki tua Ioba porovensi Hokomiseero;
- Hawa **WEDIDAWOGO** , o lanba li tuonli nni tie **78142 Z**, baalo saliwuudi komiciamo, dini li bali ki tua Sundiwego porovensi tidianciamo ;
- Adolifi Atanasi **CONBIANO**, ke o lanba li tuonli nni tie **304135 X**, baalo saliwuudi komiciamo dini li bali ki tua Saaba depatema perefefe ;
- Sulemani **WEDIDAWOGO**, o lanba li tuonli nni **203210 A**, dini li bali ki tua Bagasi ddepatema perefefe ;
- Mumuni Sañon, ke o lanba li tuonli nni tie **220638 L**, baalo saliwuudi komiciamo, dini li bali ki tua Kupela depaditema perefefe;
- Mumuni **SODIRE**, o lanba li tuonli nni tie **212124 S**, tidianlo, dini li bali ki tua Korisimoro depaditema Perefefe;
- Fuseeni **SURABIE**, o lanba li tuonli nni tie **303885 V**, tidianlo, dini li bali ki tua Soaw depatema perefefe;

C. YAA KOANBADIEGU N DIIDI U LOAGU LENI I LIGI TUONA

- Somida pua Puliseri Domikile **DABIRE**, o lanba li tuonli nni tie **51 968 R**, duaninba Canbaanciamo, dini li bali ki tua i ligi tuona diidikoa;
- Sidibewendinin Olivier **NIKIEMA**, o lanba li tuonli nni tie **223 897 B**, li coali leni mi findima tuonsoanlo, dini li bali ki tua mi biigima leni li coali tuona liiga yua li coali tuonsoandieciangu kani;
- **KABIRE** pua Ajaratu **SAMANDULIGU**, o lanba li tuonli nni tie **261 292 N**, i ligi tuona goandikoa, dini li bali ki tua a ligikubila liiga yua ti diema tila leni ti cogibitiadi Tuonsoandiegu kani ;

- Josefi **WEDIDAWOGO**, o lanba li tuonli nni tie **51 966 D**, duaninba liiga yua, dini li bali ki tua duaninba tuonsoandiedi yudaano duogili ti diema nni;
- Yadega Jaki Tusen **KAGANBEGA**, o lanba li tuonli nni tie **49344 A**, duaninba canbaanciamo, dini li bali ki tua i laabaali paabu mayuli leni i laabaali jalibo biigima tuona liiga yua;
- Somosema Hileri **KI**, o lanba li tuonli nni tie **51936 E**, duaninba liiga yua, dini li bali ki tua bi tuonsoanba leni a masina tuonsoantiadi liiga yua;
- Isufi **TOWE**, o lanba li tuonli nni tie **51932 M**, duaninba canbaanciamo, dini li bali ki tua i loagi tuona buoli liiga yua;
- Tegawende Andide **SAGIRE**, o lanba li tuonli nni tie **51956 H**, duaninba liiga yua, dini li bali ki tua liiga yua, yua n baa yaa gobidi yaa tuona n tie ki moa ki paadi bu subu tuona leni mi tinfanma goandima;
- Evadisi **SOMIDA**, o lanba li tuonli nni tie **49346 V**, duaninba liiga yua, dini li bali ki tua Wagadugu diema desiyon duaninba liiga yua.
- Alidu **WEDIDAWOGO**, o lanba li tuonli nni tie **51963 F**, duaninba liiga yua, dini li bali ki tua Tenkodogo diema desiyon duaninba liiga yua ;
- Fidanki Eriki Jewoli **WEDARAWOGO**, o lanba li tuonli nni tie **51976 P**, duaninba liiga yua, dini li bali ki tua U Gulumu diema desiyon duaninba liiga yua.

D. LI GUUNLI KOANBADIEGU

- Wendibusida Arino **WEDIDAWOGO**, minteligbeeli, dini li bali ki tua yaa piama n ye ki tinga tugu nni tuonsoankaani ti diema nni (ONASIMI) liiga yua ;
- **NONBIDE** pua Alimatou **DAWO**, baalo saliwuudi komiciamo, dini li bali ki tua yua li koanbali todikoa.
- Nomiwende Benua **WEDARAWOGO**, o lanba li tuonli nni tie **308 656 A**, polisi komiseri, dini li bali ki tua yua li koanbali todikoa.

**E. YAA KOANBADIEGU N DIIDI BU KPAABU LENI LI YANWUBILI
LENI MI ÑIMA TUONA**

- Wendisongida Eli **ZONGO**, o lanba li tuonli nni tie **245203 W**, baalo ligi tuonsoandiedi gobidikoa, dini li bali ki tua baalo tiadi daama leni o tuona soanma liiga yua.

**F. YAA KOANBADIEGU N DIE TI BUUDI LENI O NISAALO N PIA
YAA SANBILA, KI TUUGI LENI A TUONSOANJAANA**

Loran **PODA**, o lanba li tuonli nni tie **130163 C**, bujjalo, dini li bali ki tua a tuona puogili gobidikoa.

Yaa niba yaa yela n tie ne dini li bali yaa Cagicianli n die li boginli Afidiki taayienu po i njantaadi Sanbila nni li bakpiali nni binataa (3) po:

Yaa koanbadiegu n die iniverisite cogu leni mi bancanma lingima tuona yeli nni:

- Wendikuni Judikayeli **JIGEMIDE**, o lanba li tuonli nni tie **245747 P**, o tie mi bancanma lingido, o gaa Musa DAO kaanu.

Yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

- Sulemani **WEDIDAWOGO**, o tie bujjalo ki gaa WEDIDAWOGO pua Maliyama TIDAWODE kaanu.

Bulicina Bankinba leni a ligibuabuana cagili kani:

Awa R. Patidisia **GUISSOU**, o lanba li tuonli nni tie 00008, ke o gaa Leya SAGNON kaanu.

Bi kpakpaaba cagili kani :

- Sayidu **WEDIDAWOGO**, kpakpaalo, o gaa Basiaka DAO kaanu (bu kpaabu cagili po).

- Amadu **TANBURA** , ke o tie yanwubilo, o gaa Buleema JALO kaanu.

Yaa cagili n tie ti diema ligikubibanda leni a ligikubigbenga Bulicina Faso nni.

Ogusiti Elua Arisuma **WEDIDAOGO** , o tie ligikubibando , o gaa Koniba SOMA kaanu.

Afidi nintuali dogi ligibuabuacianli kani (BCEAO):

Erijuman **SANOU**, o lanba li tuonli nni tie 6591, u loagu kubililo, o gaa Kisiwendisida Juditi Valeri KABORE kaanu.

Li bujiali wisienba cagili Bulicina Faso

Kaka Makeri **KULIBALI** , o tie bujialo, o gaa Wenbi Songo kaanu.

U nuu tuonsoanbanla cagili Bulicina Faso nni kani:

Mumuni SANOGO , o lanba li tuonli nni tie **2011-001**, u yogu togida canbaa ki go tie u loagu kubililo, o gaa Seyidu Tu kaanu.

Yaa cagili n tuuni mi taanyenma po u kpendu sanbila Afidiki nni (OHADA):

Somidebida Lisien **SAWADOGO**, o lanba li tuonli nni tie **130 556 K**, o tie masisitira, o gaa Alifiredi BAMA kaanu.

Yaa niba n tie ne dini a bala Yaa cagili n tuuni mi taanyenma po u kpendu sanbila Afidiki nni li bajuodikaali nni binataa (3) po.

Yaa koanbadiegu n diidi bu kpaabu , li yanwubili leni mi ñima tuona kani:

Esedini **BAMOGO** ,o lanba li tuonli nni tie **293 672 S**, u cogu tuona leni mi diidima tundika.

yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

Yakuba **SAWADOGO**, o lanba li tuonli nni tie **200576 F**, o tie u loagu tuona tundikoa.

Yaala n tie noteerinba cagili Bulicina Faso nni:

Yakuba **DENBELE**, o tie noteeri.

Yaa cagili n tuuni a sancena tuona Bulicina Faso nni kani:

Patidisi Sansan **KANBU**, o tie tuonsoanjaali liiga yua.

Yaala n tie Bulicina Faso avokanba cagili kani:

Mumuni **KOPIHO** , o tie bubuudidiegu avoka.

G. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA KANI

- Suru Andire **SANON**, o lanba li tuonli nni tie **203 299 L**, o tie ti diedi maama leni i sani tienma bandiciamo, dini li bali ki tie mi ñinjanma tuona liiga yua.

- Windigudi Jaki **BONKUNGU**, o lanba li tuonli nni tie **213 864 M**, o tie ti gaanilindima bandiciamo, dini li bali ki tua yua n baa yaa gobidi mi findiwaagima taancianli tidiandiegu ti diema nni.

- Yeribanga pua Ramata NAKANABO JALO ,o lanba li tuonli nni tie **293 266 T**, o tie u cogu leni mi diidima tundika, dini li bali ki tua Liiga yua ti diema tuonsoanjaali yaali n die mi guudima leni i ñoagibiadi ti jatiadi kubijanli;
- Loran **WOBA** ,o lanba li tuonli nni tie **59 056 U**, o tie li fuali leni mi ñima tuona Canbaaciamo, dini li bali ki tua li koanbali todikoa .

H. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

- Lowe Adama **TIDAWORE**, o lanba li tuonli nni tie **210 943 N**, o tie bi nipanba leni ti wubidi tundikoa, o dini li bali ki tua ku koanbadiegu Tidianla yudaanciamo;
- Hamidu NANA , o lanba li tuonli nni tie **212 380 A**, o tie li tuonli goandikoa, o dini li bali ki tua li koabali todikoa.

III.2. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po.

- a sanbila buolibuoli taama Kaanciamu kani ti diema nni yaa koanbadiegu n die ti diema guudima tuona leni a minteelikpela maama yeli nni;
- yaa tuonsoandiegu kani ke bi bangi bi laabaalitenkaaba (ISITIKI) kani yaa koanbadiegu n die i laabaali, ku maasuagu leni yanluadi goada tuona yeli nni;
- yaa tuonjsoanaali n tiedi mu nunmu tila/karitidante (ONI) kani yaa koanbadiegu n diidi li guunli yeli nni;
- yaa tuonsoanjaali n tuuni Bulicina Faso bugidi fosifati tuona kani yaa koanbadiegu n diidi bu kpaabu, li yanwubili leni mi ñima tuona yeli nni.

A koanbala taanli go dini li bali yua n baa yaa tie mu nunmu tila/ karitidante tienma (ONI) tuona liiga yua.

A. YAA KOANBADIEGU N DIE TI DIEMA GUUDIMA TUONA LENI A MINTEELIKPELA MAAMA.

A koanbala taanli **taa jagili** ki ñani masienkaama tili ki dini a bala yaa niba n tiene ke bi tua a tuona gobikaaba yaa Cagili n gobidi a tuona yaa tuonsoandiegu yaa kani ke bi taani a sanbila buoli buoli li bakpiali nni binataa (3) po.

BAN KUANI YUA A TUONA GOBIKAABA CAGILI NNI N DIE I LAABAALI BAAMA MI DIEMA GUUDIMA PO TUONSOANJAALI YELI NNI.

Babu **NAGALO** , o lanba li tuonli nni tie **227 607 G**, o tie polisi komiseero ki gaa Giesirima Filipi **BONKUNGU** kaanu.

B. YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA KANI

A koanbala taanli taa masienkaama tili ki dini li bali Rogomi Papanga **SANGIRE**, o lanba li tuonli nni tie **111 071 F**, o tie a luba goandikoa , ke o tua a tuona gobidikoa baalo yeli po, yaa koanbadiegu n diidi ti diema loagu leni i ligi yaa Cagili n gobidi a tuona yaa tuonsoandiegu yaa kani ke bi bangi bi laabaalitenkaaba li bakpiali nni binataa (3) po, ke o gaa Seyidu GIRE kaanu.

C. LI GUUNLI KOANBADIEGU

A koanbala taanli ñani **jagalie** (2).

Li jagikpiali taa masienkaama tili ki dini Tieri Dofisuho **TIWINA** li bali, o lanba li tuonli nni tie **57 710 C**, o tie polisinba Goandikoa, o tua a tuona gobidikoa baalo yeli po, yaa koanbadiegu n die li guunli kani yaa Cagili n gobidi a tuona yaa tuonsoandiegu yaa kani ke bi tiendi mu nunmu tila (ONI) li bakpiali nni binataa (3) po.

Li jagilieli taa ñoamabonli tili ki dini li bali Tieri TUINA , o lanba li tuonli nni tie **57710 C**, o tie polisinba Goandikoa, ki tua Liiga yua yaa cagili n gobidi a tuona yaa tuonsoandiegu yaa kani ke bi tiendi mu nunmu tila (ONI) li bakpiali nni binataa (3) po.

D. YAA KOANBADIEGU N TODI BU KPAABU, LI YANWUBILI LENI MI ÑIMA NNI BONPIAKAALA KOANBADIEGU, KE KU PUOGILI TIE LI YANWUBILI TUONA

A koanbala taanli taa masienkaama tili ki pandi Dasimane **BANBARA** bali, o lanba li tuonli nni tie **00 44 032 S**, o tie mi lingima Canbaanciamo, ke o tua a tuona gobidikoa baalo yeli po, yaa koanbadiegu n die iniverisite cogu leni mi bancanma lingima tuona, yaa Cagili n gobidi a tuona yaa tuonsoanjaali n tuuni

ban yi yaa bugidi fosifati tuonli Bulicina Faso nni kani li bajuodikaali nni binataa
(3) po.



www.sig.gov.bf

Guyenema Masoagindo
Le Porte-parole du Gouvernement,



Rimalba Jean Emmanuel OUEDRAOGO

Officier de l'Ordre de l'Étalon

Rimaliba Jan Emanuweli WEDARAWOGO

O baa Baalo jaandi leni Tanjoa maalima